

Ma Raunikuhtlac ke Tuhka Fuhlwact Sesr uh

Kain in acn puhkanten ke acn sesr uh pa nien muhta luhn ma orahkrahk ac sahk uh. Kais sie sin ma moul inge enenuh acn fal elacn muhta kac. Fin pa, sahk soko kapwack ke insack uh, ac ik soko muhta ke inluhluh se.

Nien muhta lasr fin mes uh pahngpahng fin mes. Insack uh ac acn mahmah uh wi oasr ke kain acn se inge. Nien muhta ma oan siskac kuh ye inkof uh pahngpahng inkof. Acn ma oasr kofonot we, fin pa nuhke inkohsroh, inluhluh, ac oacyacpac acn ma oasr kihfihnte we, fin pa nuhke insack weacn uh, ac finkap uh wi pac oasr ke kain acn se inge.

Kut fin tia karuhguhnwacng kais sie nien muhta lun ma moul ke tuhka se sesr inge, kuhtuh sin sahk ac ma orahkrahk inge ac wacngihnlac nien muhta lalos na eltahl ac wacngihnlac ne tok.




1 Innimac wan uh kap nwacklah acn fuhlact ac fineohl ke tuhka lasr uh. Innimac wan uh nien muhta wo luhn sahk ac ma orahkrahk ma tiac liyeyuck pacl nuhkewa uh.



3 Acn mahmah pa acn ma kaplah ke mah muhkena. Kuh in oasr sahk soko kuh lukwac kuh wacngihn sahk kap ke kain acn se inge. Puhkantwen kain in sahk ac ma orahkrahk ma luhngse muhta ke kain acn se inge ma faht uh sreycac uh.



4 Inkohsroh pa acn ma fohk we uh sroksrok ke inkaiyacn pacl uhl. Ik srihsrihk, inkacr kac, ac sahk srihsrihk ma kuh in kap inkof uh kuh in koneyucyak we. Mwet uh yok pahsruhk we.



2 Wan pa nien imac ma oan fototo nuhke acn in muhta luhn mwet in acn se, suc elos yukwiyac sacn yohk srihpac suhnwactahl we uh. Kain acn se inge pa kom liye fukunsak ac sacn ma mwet uh kang pacl nuhkewa uh we uh.




5 Insack pa sahk ma kuh in kap ke acn kihfihnte. Sahk inge kap weacn uh ac eltahl kapwack arulacna nwacklah inmahsrlon finmes uh ac inkof meoa uh.



6 Kohrmwek pa kain in sahk kuh mah ma kap nwacklah kais sie ipin acn mwes inkof uh. Puhkantwen ik muhta ke acn mah inge kap we uh ke eltahl srackna srihk uh, tuhsruhk ke eltahl mahtuhlah uh na eltahl som liki.



7 Lihkihnpot pa acn puhkpuhk ma oan inmahsrlon acn paho uh ac kof in meoa. Puhs kain in won, kihnucl, powac, ac ma orahkrahk pac sahyac muhta wihkwihk ye sahk ma kap ke likinpot an.



8 Innwem pa kais sie ipin acn loal ke inkof uh ma kuhluhsyuckyak ke eka oacyacpac kuhtuh ipin acn se. Innwem uh acn in muhta na wowo luhn ma orahkrahk puhkantwen inkof uh. Inkaiyacn acnuht lasr uh kuht kuh in konwacack ke innwem ah.



9 Finkap pa acn ma eka uh kapwack ac muhsahelah ye kof uh. Finkap uh sesseslah ke kain in ma oasr moul la. Finkap uh kahsruh in kosraclah noa uh in tiac utyak kuhnahoslah acn sesr uh.



10 Tuhka srihsrihk uh muhsahiyuckyak fin eka na luhlalhp se. Tuhka srihsrihk inge inkaiyac ah puhkpuhk ac tiana fuhlwact nuh lucng. Won yen engyeng uh ac ngoe uh luhngse fahsri tuhka srihsrihk inge in fihliyac ahtro laltal uh we.

